

新州志卷之十二

知新州事夏津潘克溥纂修

人物志

仕蹟

州人登仕籍者唐宋以來稍稍可攷至明而盛古稱鄉先生沒而祭於社者不在是與顧其宦業或不傳而傳者又復不備功名之際信當時而貽後世若斯之難也斯亦足以觀感而興矣志仕蹟

南唐

新州志

卷十二

仕蹟

一

陳起舉進士為黃梅令時妖人諸祐自言能使貧者富富者貧俚民效之積眾數百夜行晝息取資如盜起到官諸祐為里長不服嫚言曰吾取令頭如殺豎子耳起聞執祐斬之由是知名官至御史卒

丁必稱字季言知臨江軍時江西和買例以稅產均敷無稅者以物力必稱積郡帑贏餘代輸之乃請於朝乞永與蠲免擢潼川提點刑獄

元

朱仕俊字時英元至正壬辰以上舍生授樞密院經歷

轉戶部郎中俄遷本部侍郎時方重守令之選出守江西贛州興學勸農禁除淫祀俗尙爲變尋改潮州土豪金元佑僞立名號大肆剽掠仕俊畫策白之當道遂擒元佑未幾調判延平稍遷建寧同知致仕歸自號白雲道人更號東村叟性廉介好讀書喜接賓客涉事不爲誕謾浮薄卒五十一

明

陳堯章博極經史讐校精謹洪武二年任本府儒學訓導陞浙江臨安知縣興利除害惠愛及人以勤勞致

贛州志

卷十二

仕蹟

二

疾卒於官民思之比之羊叔子云

趙霖洪武二年任本府儒學訓導陞鳳陽府通判學道愛人根於天性故其贊畫時政率多裨益長貳無腹誹之者

黃安泰洪武初知彭澤縣時兵燹後民物凋瘵安泰以廉勤爲政百廢俱舉民賴以益

馮思齊字賢希號香山洪武初以貢入太學上幸學偉其儀度瓌瑰擢御史初爲諸生與百戶黎暄有隙及按江西暄誣繫九江獄中思齊平心直之後以言事

激切謫雲南推官尋召還

朱彤字彥公洪武丙子舉人通判紹興廉公有威人不

敢干以私去官送者闐郊父老流涕而別

浙江名宦

熊翼由太學生中永樂癸卯鄉試甲辰進士宣德中爲

御史巡按陝西劾鎮守中官占種屯田擅役士卒田

迄還民正統四年授僉都御史督甘肅軍務鋤豪強

恤軍士在邊十年以剛正見稱擢副都御史及歸老

移籍河南之光州子恂仕至尙書

通志

宋誠字彥實治春秋正統戊午鄉貢第三人仕四川劍

蘄州志

卷十二

仕蹟

三

州知州以才力調徐州河功成陞叙州府知府曠賊

亂練習鄉勇守禦復從大軍征剿賊平蜀王列公入

告召對賜食賜蟒加正三品俸陞整飭榆林驛使辭

予告馳驛歸里居二十年不事請謁捐貲建廣積倉

蘄民賴焉卒年八十三孫良相持敘州名宦錄上湖

廣督學滕公檄州學崇祀子六長璧綦江縣主簿舉

孝子次奎臨清提舉司次環直隸三河教諭俱成化

歲貢次埜河南陝州同知次基出穀賑饑旌獎義士

次堅陰陽典術環長子良臣宏治甲子舉人河南確

山縣知縣次子良相嘉靖歲貢四川來安縣訓導

白茅堂集傳

錄節

陳溱字濟寬中正統九年甲子鄉試授虞部主事有澤梁之任分督濟寧河間時值中貴樓船犯禁即繩以法不少假借中貴銜之因媒孽其短遂詔獄謫戍貴州清平衛溱慷慨就道至則日持戟以從事至於憤集憂深發諸詩歌皆怨而不怒素所為詩若不加意而清麗流動有陶謝之風著有獨醉稿散逸無傳

張禧字吉夫景泰庚午舉人授推官性抗直人不敢干

蘄州志

卷十二

仕蹟

四

以私讞獄多所平反與長官不合丐歸家貧甚州大夫聞而周之悉不受清苦之節士推重焉

王翰字廷舉景泰癸酉舉人丁丑進士由戶部郎中授廣信知府方正廉勤愛民如子陳便民七事列落時弊務行其所志性剛直不撓於時適朝廷下沙汰庶官之令將命者至莫不振懾翰獨不一屈膝因與之忤解印綬歸得山曰細石規做數楹植松萬章以為環堵因匾曰萬松窩日坐其中校讐古書如不及絕口不理當世事澹如也年八十五卒著有萬松窩集

藏於家

華仲賢字廷佐天順己卯舉人成化乙未進士授刑部
時山西潞城縣王濬以貪酷聞上命仲賢按其事竟
得實上其狀罪各有差自是各益著轉本部員外擢
守常州以循良稱擢廣東叅政朝廷命下採珠撫鎮
重臣慎選藩臬廉能者董其事僉推仲賢比往祛舊
弊飭新政事集而民不告勞擢四川右布政未幾擢
福建左布政以廉靜寡欲老成練達考上最銓曹請
爲御史大夫未報宏治甲子以疾免越九年卒於家

蘄州志

卷十二

仕蹟

五

子巒另傳

甘澤字仁夫別號貞菴成化丙午舉人授蘄州吳縣訓
導遷太倉學正既又教授鎮江府學皆能正己立教
士習丕變陞四川渠縣令清慎剛果捍禦郵寇民賴
以益渠人繪像祀之歸輯蘄州志卷目見明史今失
傳

陳大中字時甫高祖清以官籍隸蘄州爲人剛正廉介
孝於事親宏治乙卯舉人正德戊辰進士授南京戶
部主事始至掌銀庫出納及代積羨金千餘司徒胡

公曰此足以愧既往風將來矣辛未流賊劉六等往來江淮勢甚猖獗出師防捕大中督理軍餉冒險應變皆合機宜癸酉奉查蕪松等處糧儲執法剗弊人不敢干以私尋出知慶遠府所屬南丹那地等三州土官舊各以金銀器物爲贄可千金悉拒之有鄉曰述崑爲獐曾藍錢壓等所據商旅非聚衆持弩莫敢往來大中率民兵擒其渠魁戮黨與數百人事聞獎譽有加擢轉運使至閩未久致仕歸構鳳麓書院因號鳳麓居士子吉言另傳

詳通志

蘄州志

卷十二

仕蹟

六

易濂成化乙酉舉人授四川武隆縣知縣潔己愛民建學勸士公餘不徹琴書政蹟詳武隆志

張思齊字希賢宏治乙丑進士令四會水患洊臻民聚爲盜思齊設法築隄遂成膏壤民阜盜息遷知亳州白蓮賊趙景隆掠歸德思齊偕指揮石堅擊斬之賊平陞四州僉事疏治麻衣河民便之尋遷副使備兵建昌勦雅州獍苗爲亂者鎮守中貴人欲攘其功誣奏思齊混殺良民逮至京事白改霸州民有訴中官奪產思齊上其狀部使者不報遂投劾歸起復瓊州

兵備累官布政使

詳通志

劉樽字宗器勤苦嗜學無間寒暑年四十六始中鄉舉五十登進士授海豐令民俗多詐樽將以道變之適罹外艱去服闋改令遂寧有能聲擢南京太僕寺丞馬政修舉陞知鶴慶軍民府取道還省墓以疾卒

馮翔字時舉別號雷厓幼穎敏強記年十四補弟子員後以太學生就選授山東兗州府推官治獄寬恕多所平反民有父病死而誣爲怨家所殺者獄久不決翔廉得其狀召諭之曰汝父實病死不速殯顧欲緣

新州志

卷十二

仕蹟

七

是以陷人於罪耶卽獄成亦必啟函驗視殘傷遺殖汝忍之乎兄弟相向號泣叩首伏罪一郡皆稱其明時郡之佐承委督所屬逋賦故有賂遺或以例告翔驚曰此何例也召賂者亟還之踰年致仕歸先是爲諸生時旁舍火起勢且及翔自外馳歸負其母及先世誥命以出餘無所問宗族故舊婚喪之不能舉者賴其周卹晚建多景樓日與賓客觴詠其中或閉戶焚香燕坐怡如也卒年七十有七後贈吏部右侍郎

詳通志

甘棠字茂夫爲諸生刻厲專靜不以貧乏廢學嘗讀書城南石鼓寺鄉人從之游者取肺脰自給正德八年癸酉領鄉薦授雲南師宗州稱能吏於羈縻之中不失控制之法低昂伸縮悉合機宜遷河南嵩府長史卒

高鵬字汝南正德丁丑進士授淳安縣令家宰喬宇薦其才當道忌之左遷亳州判官移知南充詵獄槩斷不畏強禦士民仰其德歷重慶知府蜀藩長史著有四體發蒙秉忠定論風木雙思省心全要等書

新州志

卷十二

仕蹟

八

梁珠字瑩卿號近樓嘉靖戊子副車浙江淳安縣主簿多善政有旨旌獎民爲立去思碑

甘澧字鍾衡嘉靖辛卯舉人令旌德時條編未行澧裁省廚傳寬里甲諸費有中貴過縣索供億橫甚澧但致常餼而已中貴度無所得乘傳去

周禧字子吉號乾明嘉靖壬子舉人壬戌進士歷官南畿學校廣東監察御史生有異徵多風慧性孝友初仕刑部主事旋入西臺風裁凜凜出按浙江權貴斂手大比典試屬董其事所拔皆名流築海塘嚴海禁

修備甚周島寇不能犯毀除淫祠妖僧消地方隱憂
浙至今猶傳誦不已視學江南首舉者惟正心術崇
禮義釐文體人文奮興卒以積勞致疾未究大業人
共惜之

吳鳳瑞字翼靈嘉靖乙卯舉人以理學爲鄉閭倡教諭
太和有師範督學檄主正學書院遷永豐令以遣戍
觸權貴竟莫能擠轉判開封有浚河功擢宛州同知
以直忤當道廉知其端方愈優禮之每書寄子必勉
以耕讀卒於任

蘄州志

卷十二

仕蹟

九

周祚字台峰嘉靖戊午舉人令海澄邑新造難治祚墾
荒招逋戶口以實覈賦清徭絕蠹食之弊慎舉鄉約
保甲民俗丕變後陟官郎中

福建
名宦

徐之祿字子迎號少華方七齡卽毅然有閉戶之志稍
長以五經食餼嘉靖戊午領鄉薦授四川梁山知縣
歲凶爲粥於路以待餓者蘇困減徭冰蘖自矢調常
州府武進縣不避權勢潔已奉公以恙乞歸每自語
曰以五彩囊盛栢葉露何可得乎遂務養生年九十
有二爲藩王行冠禮五飲於鄉爲正賓三末年杜門

著性命集至今傳焉

王之佐字以才號正齋嘉靖辛酉科鄉薦初任鳳陽府懷遠知縣舉卓異擢都察院都事改都察院經歷陞工部屯田司員外郎督理河東墻壘朝日壇落成補通惠河郎中轉雲南廣南府知府致仕歸築室閉戶不履公庭里族敬重焉

李盛春號夢池隆慶辛未進士選庶常時江陵當國盛春出其門下爲奪情事抗章八奏江陵避之莫不悚然於盛春之正氣而兼服江陵之雅量三年改吏垣

時東宮未正位叩闕特疏詞甚激切旁觀者盡危之終不及於難旋出副閩臬王文衡所拔皆名雋以積望八陟清臬出撫保定時礦瑞肆虐四方騷動盛春力請停役爲太監王虎所扼然在任數年核兵馬實數綜錢糧整飭戎備厲行伍修廢舉墜卓有成績亡何黨議紛起盛春方晉南少司馬堅意乞歸與昆季子姪深篤倫誼尋卒特賜謚恭質諭祭葬廕其子柳爲廣西太平府知府祀鄉賢

易鴻盤嘉靖丙午舉人陝西韓城知縣政簡刑清百廢

具舉有古循吏風尤喜誘進士類以詩文相質者皆指投不倦旋致仕歸卒贈中順大夫

易龍見嘉靖己酉舉人雲南路南州知州路南多冤獄甫下車皆雪辨之號爲神君卒贈奉政大夫

李建中字龍源時珍長子性至孝十歲能文十二爲諸生有巡按御史舟阻風駐驛諸生八謁指柱構橐孔曰楓木年深生孔子建中應聲曰菊花秋老見黃香御史大奇之曰子才位當亦黃公一流嘉靖甲子舉於鄉六上禮官不第署光山教諭爲諸生授經束修

轉給寒士陞四川蓬溪知縣梓潼地饒俗靡建中以廉率下時布衣角巾往來赤城青石風門明月之間著有蜀遊草明月山詩數卷潼川早建中草履行禱卽日境內大澍呼爲李公雨後攝安岳新令至安岳人稱但願如攝令者其攝遂寧亦然封文林郎擢永昌同知因親老不赴三上牘乞休歸無長物惟桃竹蔗霜以餉孀知父母年七十不異孺幕居喪水漿數日不入口年六十三卒於家門徒多貴千里奔喪數十人以子樹初貴贈中憲大夫祀鄉賢

馮汝承號繼山大司寇天馭子廕貴州思州知府思州地連谿箐獐苗雜處汝承才性通敏設條令勸農興學風化大行

易可訓嘉靖甲子舉人授四川眉州知州調北直昌平興利除弊所至有政聲

李孟春號愛池嘉靖丁卯舉人初任河南西平縣官箴清肅歲旱鬻產佐賑踰年復有蝗雹災孟春禱息之不忍開徵者數年考成無具爲撫按所劾民泣控願完積年逋欠當事疑之隨查覈果全完嘆曰有牧

新州志

卷十二

仕蹟

十一

民若此者乎悔其疏已發亟爲雪之得陞順慶同知去任日勒石建祠任蜀有奢酋之亂屬主儲備之計上下倚賴尋轉江南刑部主事語人曰吾弟舉進士行將出而仕矣事親之任非我而誰世傳孝友皆奉其遺訓云祀鄉賢

李際春字和元孟春季弟也萬歷丁丑成進士宰歸安時詔量郡邑田豪右隱占獨累窮民際春按籍履畝未嘗少徇移戶曹遷涼州叅議尋督廣西學政歸以薦擢四川叅議陞汝南副使平礦盜沒心秤之亂歲

饑拮据荒政全活甚多以勞瘁卒於官際春天性孝友嘗訓其子曰吾居鄉居官惟以鬼神二字時時在念汝輩宜知之子樾孫本晟另傳

李載陽字旭峯萬歷丁丑進士令洛陽才長識裕敷政明敏丈地清徭百姓稱便後以南御史出守漳州加意學校歲饑多方賑恤客役夜譁廉其魁寘之法衆皆警服累陟太僕卿

參河南福建名宦

袁世振字抑之號滄孺萬歷戊戌進士授江西臨川縣知縣請水次建倉臨川始無漕兌候守之苦善論文

蕪州志

卷十二

仕蹟

三

知艾南英於童子升金華府同知戶部山東司郎中鹽法壞商鈔不行諸大煮鹽哭於部堂世振爲十議上之羣議多撓阻上覽奏嘉其能特拜兩淮疏理鹽法按察副使賜璽書疏理之官自此始世振立十綱法政令甫立羣商歡赴期年法大行舊額外溢七十兩上降敕嘉獎加一級留任凡疏理四年助邊餉入太倉四百萬有奇會嫉者謀去世振用其黨世振聞頗不平力乞去其後朝廷思其功崇禎五年起爲揚州海防副使兼理鹽法未到任卒著有鹽法綱冊十

六卷子素亮歲貢生少負才名耽詩酒早卒士林惜之節錄白茅堂集傳

張星字聚薇六歲失怙能讀大父方伯公書萬歷壬午舉人事孀母至孝候寢問安三十年如一日上公車數不第或勸之仕星曰母在此身何敢許人終喪授如臯知縣時中官騷擾爲害星正色不避闔邑晏如邑有鹽場十座每一撤丈費商人數千金星單騎自膳不費一錢焚香頂禮者三十餘里又沙田水漲壓沒民苦無收官苦徵糧爲害最鉅星捐俸從海灣濬

新州志

卷十二

仕蹟

古

河道水入海民遂有秋通州有鉅蠹通家八府官民皆畏力請撫按鋤治之兩邑尸祝不衰遷歸德府同知致仕歸里外事不預聞六登鄉賓享年七十有七

祀鄉賢

夏忠號孺和萬歷辛卯舉人筮仕桃源海濱苦盜忠修葺城堡申嚴保甲萑苻無警陞任宛鄧陋羨甚重忠痛革不取鄧有大辟繫獄者百餘人忠惻然心隱出脫九十二人梓有鳴冤錄陞思明府同知致仕家居築清白堂先墓側著有文禁十卷蘄州志書八卷未

刻祀鄉賢

汪宗文字綱先號泗溟家世積德昆季列膠庠皆擅名
譽以孝友聞中萬歷丁酉鄉試合江西上高民瘠而
玩惟務惠緩不專倚法民以感動逋賦應期告竣績
聞於朝擢戶部主事管河西務鈔關通商裕國自奉
淡如復差淮安板閘不易初心轉南康守多善政晉
雲南副使巡撫都御史薦進右參政以老乞歸上聞
宗文賢特進階右布政以寵之歸築室鳳凰山卒年
八十有三著有元滙集易解不昧堂兵火失孫蘅另

蕪州志

卷十二

仕蹟

五

傳節白茅堂集傳

蕭震字上嗣號倦山少負文名萬歷己未成進士初授
中書舍人天啟乙丑遷工部營繕司主事典試直隸
鄉試得名下士為多轉刑部郎出知浙江紹興府以
廉能稱兼攝浙江副使直言極諫與一時朝貴多齟
齬因移疾歸里講學家塾其族多能文者著有遂初
賦稿一卷詩文百餘卷燬於火節江麓堂集傳
晏據忠字元灝由含山遷蕪家世積德父及時博學多
聞教據忠中萬歷庚子科舉人授廣州海防丞歲有

軍餉四十八萬屬丞支放不隱纖毫撰有粵政條議
瓊州生黎與熟黎構禍當事者勒兵深入後援逗爾
前軍盡衄摠忠監紀其地策情形急白大府止固藩
籬行其議寢兵遂無黎患在廣州八年陞韶州知府
禁採爐干石釐遇仙橋稅固江岸嚴游徼茂績大著
擢臬副分守粵西右江以疾辭歸後贈中憲從祀鄉
賢

王臣紀字爾瞻萬歷丙午舉人初令江山有巨猾柴某
武斷鄉曲已復聚謀不軌臣紀立除之陞泗州牧時

蕪州志

卷十二

仕蹟

去

魏黨脇附數乞歸不予告尋丁外艱服闋遂不仕弟
臣縉另傳

李猶龍字又明崇禎間由貢士任石屏州牧值普名聲
叛攻圍臨安州有土人倡亂立斃之境內肅然率民
固守賊不敢犯州賴以安

雲南臨安名宦

李雲慶字紀卿時珍曾孫崇禎丁卯舉人初任福建將
樂縣知縣潔清自矢勸農桑興學校調泰寧昭雪疑
獄乞歸日行李一肩送者爲之流涕

福建名宦

梁佳宇字奇號月崖明四川璧山縣縣佐祀鄉賢事蹟

無攷

邵思學字麟山明南京宿遷縣知縣事蹟無攷

國朝

張效葵字叔向號誠菴邦翼次子天啓甲子鄉舉授嘉魚縣教諭造士有法與黃仲霖有落星亭唱和諸集遷四川鹽亭縣令縣多蕪田葵履畝清丈民賦始均又牛斗亮等以傷人抵命案旣成葵訊知其寃皆平反活之尋擢陝西延安府同知政聲益著年七十卒李本晟字暘若號嵩岑際春之孫挺之子初度時大父

蘄州志

卷十二

仕蹟

七

夢有人冕紱與從止於庭自言唐西平王因名焉幼穎異有蚤譽順治戊子舉於鄉己丑成進士授工部屯田主事辛卯分試直隸所得皆名雋出理徐淮河中清稅釐弊商民頌之陞廣西僉事分巡蒼梧時西粵用兵督餉飛輓毫無匱乏常卒輕騎撫猺童定陸川博白山寇遷雲南按察副使值運道阻滯升米百錢來降者不得芻食皆應允策給之建義倉招流散出俸勸義緝贖俘戶男女湏民帖如陞雲南有布政後奉裁歸里值吳逆變以晟火轄滇南遣謀密投偽

劄至蘄晟縛以

聞起太常寺卿轉大理寺正卿巡撫浙江晟天資厚重
與物無忤歷敷中外三十餘年官箴清肅調劑兵民
獨得大體撫浙時不矜不伐有古大臣風以勞瘁邁
疾卒於官遺表上

賜祭牛壇浙人祠祀之著有三楚文獻錄知天閣諸書

行世

詳通志

高培字茂先號尙孚由恩貢官衡州府同知改調南昌
府尋陞臨江知府康熙元年丁內艱服闋起補台州

蘄州志

卷十二

仕蹟

六

知府時八閩不靖浙東諸甌靡不被兵自永嘉丹崖
失守章安遂爲危疆培調輯軍營訓練鄉勇請蠲賑
均徭役人心以固章安扼要遂爲東浙藩籬督撫上
其事陞分巡溫處道在任十年致仕

顧咸泰字斌素號思菴順治辛卯經魁任大名縣知縣
禦水患廣積貯除妖尼輯軍弭盜咸有能聲予告歸
縣人勒石立祠以祀詳大名縣志著有石倉詩補行
世

李本衍字介繁積次子順治戊子貢授河南胙城縣令

下車後除積弊懲猾蠹修學宮建書院賜貧賑乏不遺餘力朞城舊多盜官不能制本衍相地要害築望樓伏丁壯設法誘擒之大盜屏息歲大旱祈禱無驗衍晝暴於日夜宿於露三日大雨常發沙西賑後粟竭盡鬻家產充公民始得蘇去任之日遠近送者遮道左

張承瑞字帝先號問蕉由歲貢授福建寧德縣令下車首清社夫里役築砲臺禦倭寇修趙公橋以便行人時防帥怒軍剽掠大爲民患瑞單騎諭止之及歸寧

蘄州志

卷十二

仕蹟

九

人勒石紀績後補山東滋陽縣稱幹員屢奉憲檄駁審疑獄昭雪者二十餘人著有好生錄以

覃恩勅封文林郎孫彥舉人另傳

張承位字生共號繩菴順治丁酉舉人揀浙江桐鄉縣令興賢愛民務行其志部有猾吏位欲寘之法吏倚勢家執法曲縱遂移疾歸里寄情詩酒不與戶外事性好獎進後學然不輕許可被其容接者多知名當世云

陳言先字以詞歲貢廷試上卷授九溪衛教授其地獮

苗雜處人不知學言先多方造就庠內外皆彬彬爾雅舊衛屯諸生貧者多典出造運罔措每爲之持籌言於衛守勸論典者得半價以贖無力者輒爲捐助漕賴以濟予告歸感者咸立石以紀德幼失恃事父至孝每冬夜父不寢必先溫其被父髦齒脫食輒唾言先以孟盛自調食年九十三卒於家

孫天衢字幼岐歲貢生任隨州訓導尋陞武陵縣教諭訓廸有方一時諸生多所造就

李堪字公濟號我平增廣生援例授亳州同知稱幹員

蘄州志

卷十二

仕蹟

三

經理江南八旗糧餉歲省帑金數萬陞直隸趙州牧甫渡河遇饑民孳孳南竄坦給資令歸鄉士隨行者以千計下車逢奇旱禱之立應發倉貸民穀種歲乃有秋尋遭蝗害飢民載道坦設廠爲糜捐置寒衣千餘領以衣窮民境內德之以疾卒於官州人祀名宦祠著有增刪卜易行世子永昇舉人另傳

張啓翼字仕翰歲貢任應城訓導教士以敦本爲先邑向無衙署翼捐資建造乞歸後值歲荒收郵族鄰與論推之

王永圻字公錫號申菴博學旁通諸書八歲時避獻逆
亂與父母相失落水漂泊百里外能知其父母所在
人咸異之康熙丙寅以歲薦授衡州府嘉禾縣訓導
修文廟課士詳嘉禾志先是爲諸生時于清端公在
江南聞其賢聘教其子蘇松撫軍于公準其生徒也
熊心璋字公朗號特菴康熙戊午舉人狀貌魁梧夙負
經濟授彝陵學正一以端士習興文教爲已任時學
宮以捐俸改修釐祀事定課程與人語必勉以道誼
諸生質辨經疏皆厭所請而去州科名由是益盛繼

新州志

卷十二

仕蹟

三

補廢濟一 彝陵著有芝麓山房集

張仕渾字近愚號鹿巖康熙甲子舉人丁丑進士初授
保定縣知縣後任瀋水五充同考官所得多知名士
壬辰夏邊陲告警軍興旁午仕渾篆佩八邑屢著勲
勞其文縣近地熟苗勾引外苗搶劫仕渾單騎入其
寨諭以忠義畝苗羅拜散去伏恙夏久旱禱之輒應
泰安連邑染疫癘人人室有聲仕渾聞其事齊戒牒
城隍疫遂寧凡所至皆潔已愛民卒於蘭州

張仕學字琳山康熙己卯舉人任沅陵縣教諭興學造

士無忝厥職尋署辰州府教授會永順司苗民猖獗
督撫委諭悉歸順加軍功一級又委修辰河路工完
固民咸德之卒於官

陳常字藝極號靜齋貌魁梧性剛正族里咸推重之由
廩貢授邵陽學博勤校課一時甄拔多名士以母老
乞歸後補漢川不就在官置學田居家修學宮以及
宗祠族譜橋路義塚諸善舉皆勇爲之費累千金壽
七十卒子欲珍另傳

王夢弼字兆良號廂巖事繼母以孝聞中康熙己卯舉

蘄州志

卷十二

仕蹟

三

人授祁陽教諭稱貸紆諸生急繼補新化近苗疆習
俗頗悍弼漸摩之文風丕變尋陞宜昌郡授時宜郡
初建學修署身董其事校課扇門分以苜蓿諸生皆
欣欣就正焉乾隆八年謁選歸以疾卒

張之梁字劍川仕學弟康熙戊子副榜任崇陽縣教諭
造士有方悉清被侵學田作貧士膏火又石城古堰
注田三萬餘畝學田居其中梁欲爲士民計久遠派
工修築旱無竭澤堰戶立碑頌之

陳欲珍字席聘訓導常之長子由廩貢授恩施訓導築

館舍贖學田定課程邑人爲立碑紀其事丁父艱歸
盡舉父所捐修者補葺之或又加廣今合濟繼志等
橋是也後補安陸以母老辭

陳文藻字華章號蘭亭襁褓失怙事母以孝聞雍正間
援例以州同効力河工署中牟縣佐督率楊橋小潭
溪十里店毛家庄等汛總河朱公嘉其能復以鄭州
陽武榮澤曹縣各汛委代之咸有成績需次光祿寺
署正乞養歸時州牧開濬隍池屬藻董其事區畫皆
善

熊淇字衛瞻號竹園蘄州人湖口籍咸癸丑進士授博
興令甫蒞任卽奉檄浚河築長堤百餘里工竣大吏
咸以爲能弭盜有法逮訊必反覆諭以至情多原釋
之賊諒其誠相戒不入境卒於官著有竹園待正稿
陳履中字遠登號岸如別號菖湖乾隆乙丑進士筮仕
貴池未半年解任池民攀轅不忍舍脫鞋一雙供奉
城隍廟中每城隍誕辰同前循吏某蟒袍捧獻並崇
祀名宦祠方未赴選時歲壬申有逆賊馬朝柱假邪
術煽惑愚民以天堂寨爲巢穴會飲立誓黨羽日衆

蔓延英霍蘄羅及崇居楊河等處中乃密約大同司
吳星夜赴州聲明州牧李卽飛稟上憲親督營兵駐
樂如菴中捐備糧草招集佃戶全弟軼前隨官逐處
督拿旣又迎提憲哈到家供應事平李公陞本府知
府以爲國宣勞額贈之

劉萬寧號襄堂弱冠補諸生爲文多神悟其家藏書頗
富父嶠爲其昆季析箸獨以書俾寧寧益自奮勵領
乾隆丁卯鄉薦授石首教諭甫抵任以形家言增修
學宮黌牆三尺許以培地脉石邑自後科第相望又

蘄州志

卷十二

仕蹟

十四

與縣令黃謀建石壇書院於學宮前縣令強寧授生
徒一時從遊者皆竒傑士縣有疑獄陳氏子幾以無
辜抵罪公力白其冤得脫州孝廉呂鳳岑卒於都寧
爲之治喪具歸旅櫬後以秩滿保題赴都未果卒於
家有蓼裏堂文稿待梓子之棠進士另傳

詳通志

陳良翼字孔十號卦峯乾隆癸未進士除福安知縣調
繁福清督撫以卓異薦會諸羅彰泉人械鬪大吏稔
良翼才且以爲能靖民也更調諸羅又二年推陞嵩
明州知州以母老告養旣得請矣會有疾未及歸踰

年而林爽文作亂破彰化陷諸羅殺文武官吏良翼亦就縛縣民奔救之曰奈何殺我好官得不死當是時爽文犯臺灣不克遯歸大里杙留戍諸羅賊無幾而鄉民起義者日益多良翼遣人間道言於府越明年正月良翼率義民會總兵柴大紀復諸羅遂奉檄復知縣事諸羅居臺灣南北之中於時彰化風山相繼陷府城實藉之爲藩蔽故爽文圍益急而良翼之守益堅嘗兩獻策於大帥請乘虛搗大里杙賊巢而分撥一軍夾擊之又請分軍一出斗六門一趨他里

霧遏其後而諸羅之兵過牛稠溪攻其前皆不省而援師遷延至刺臂血爲書亦不應乃深溝高壘日激厲民兵堵禦無虛日自六月被圍迄於十月火藥竭兵民食且盡乃禱於神以油粃爲糧士民皆忍飢荷戈以俟 大兵之至而府城得恃以無患良翼力也事既平追論餽道府節禮草職又在圍城審錄俘獲具得疲廕老弱有保證者數十人力爭於軍門釋不殺而勉從大紀原奏以已戮報迹涉扶同擬斬監候讞之日士民皆翕然同聲猶謂良翼保全無辜泣數

行下也

皇上察其情釋令回籍越一年入都祝

萬壽恩給知州原銜未幾歸丁母憂遂有疾竟卒葬崇居卓

馬山麓著有三生瑣談書二卷 通志

陳受琦字越羣乾隆丁酉選拔選竹山教諭推陞湖南
衡州府教授時穉匪爲逆閣城官弁出勦禦琦留守
城城中火起琦身先救獲上憲記功註冊年七十七
卒於官子炳堃諸生

陳丹墀號月圃嘉慶壬戌歲貢選授隨州訓導學宮類

蘄州志

卷十二

仕蹟

三

敗捐俸葺修士民以德星輝映匾額爲頌子邦憲附
貢表言庠生

田玉榜名書田號樹人嘉慶癸酉舉人授武昌教諭端
士習興文教聖宮被水圯勸輸重修告竣邑人士頌
以模範可風匾額 以上新增

篤學

環堵之室半畝之宮手一卷書老而不輟非素所嗜
好然與雖復著述不盡傳而底蘊不獲効於當世其
志行修潔不可廢也故儒林文苑而外篤於學者尙

焉志篤學

明

陳詠字叔雅號澗松後號晚全翁以貢任四川萬縣學訓導工文善書言動率遵規度一介不以取人丐歸後始有子息年八十卒貧無以葬門人李察將緒捐貲賻葬如禮蘄士大夫爲詩歌以紀其事曰義敦師殞益以見先生之取友得人如此

化雨字時雨歲貢性沉靜不好嬉弄家貧依外氏居授江西玉山縣訓導遷深州學正卒之日口占詩以遺

蘄州志

卷十二

篤學

三

諸子有英雄無勢利富貴有危機之句

陳光遠勤敏狷介涉獵經史以詩文自娛雖執役戍伍歷難經險亦手不釋卷以老疾還鄉士君子樂從之遊有轅門歸隱集

國朝

方舟字人濟由恩貢授浙江嘉善知縣以豈弟稱致政歸益勤於學年八十餘猶工楷書盧澹巖修州志舟有跋

張泮字叔度號魯公中順治庚子副車丰采踔厲負志

不羈讀書師其家學與姪士淑互相切劘老而彌篤
與修盧志訂訛補遺多所就裁後選靖州天柱縣訓
導以老疾辭

李本周字祐岐櫟長子英敏過人七歲補諸生年二十
中康熙丙戌鄉試益篤於學爲文整飭宏雅未仕卒
金天斗字映北歲貢生少負雋才試輒高等館大治相
國家相國故尊賢天斗名益著

蕭銓字公衡號樛叟少貧嗜讀書學識淵博以明經教
授生徒著有古學彙編四卷兼精岐黃術著易簡方

新州志

卷十二

篤學

天

書十卷年八十二卒

王世鼎字和臣兄世泰字安臣窮經講學一時推重俱
以明經老門徒多所成就著講義文稿存於家

袁孔士字方魯號秦菴歲貢生光錄寺丞光紱之姪素
履端潔早擅文名兵憲楊公志遠建七葉寮社孔士
名最著兄孔儀孔佃俱諸生暇則論文於竹隱園從
其教者多所成就

龔伯字百子號餘菴歲貢生篤志好學至老不倦品行
爲士林所推重著有半畝詩集

易時憲字若凡號東江中康熙乙酉鄉試少負異才嗜
讀輒廢寢食凡經史子集靡不窮極與義學者景從
多所成就未仕卒著有東江文集四書叅義周易講
義諸書

張聯芳字馨遠號播菴歲貢生耄期好學不倦著有居
易堂詩文集

張聯翼字界軫號荆野拔貢生一時知名士多從之遊
年九十餘猶朝夕呻吟不輟著有歷試草藏於家

劉文起字學山號雲莊匡生孫中康熙己卯鄉魁授湖

新州志

卷十二

篤學

三

南清州學正丁酉爲廣西同考試官得卷甚佳而股
法倒置文起疑謄錄錯誤薦不售復力爭之及售對
勘果誤皆服其識起爲文卓然成家有六醇而無小
疵年六十三卒於任子仔佺皆諸生价丁酉舉人

秦京字永畿號愚圃雍正癸卯拔貢家貧無子皓首窮
經年八十猶累赴省闈常事成禮敬之雨湖七子京
居長詩見合刻

張疇字子駿號另齋年十三爲諸生詩情酒趣傾倒一
時晚益刻意於學著落葉吟等集

張棟字孟楠號鴻洲中康熙庚午鄉試授歸州學正辭不就嗜古工詩居鄰雲母山多古松築萬濤園朝夕觴詠其中足跡不履城市著有萬濤園詩集

張誥字嗣康號澹菴氣度雍容言動不苟爲文宏博浩瀚中康熙庚午鄉試選州學正未赴任卒

顧燕翼字貽孫咸泰孫幼聰慧父介指授文體年十二爲諸生後以明經老爲人忠直醇謹鄉里稱長者

陳道兼字庶行歲貢生好讀書與姪鼎元相師友工制舉業著有河干等集

蘄州志

卷十二

篤學

三

陳鼎元字節九號澗溪州諸生工詩古文詞築園於河干修篁古木亭臺樓舫遠絕塵俗顏曰半畝藏書甚富知名士往來攷正無虛日十躋省闈不售卒年六十著有半畝園集

駱思白字緇守歲貢生選訓導未任生平手不釋卷爲文博大不屑屑行墨間兼善吟咏五律尤佳

朱孔陽歲貢生工制舉業試輒冠軍學使者多刊布其文以爲式性尤嚴謹雖賓朋讌集未嘗輕笑謔子正述乾隆癸酉拔貢

李生棠字蘭柅性沉默刻志讀書兄生彬弟生楷相師友家政浩繁悉聽命於兄棠惟手一卷以終老雍正年入貢尋卒

張啟疆字仕開號弼五幼失怙恃伯父正鼎愛若已子伯父歿從兄啟翼授以書初苦魯鈍讀書必百倍或至嘔血已而豁悟輒不忘中康熙乙酉鄉試

劉文超字大章號默齋文超弟歲貢生恬靜簡質有古君子風性嗜學制義力追先正羽翼經傳授徒三十餘年多知名士撫教兩孤姪德佶俱爲諸生後超無

州志

卷十二

篤學

三

子以佶嗣

陳有夏字淑伍歲貢生博極羣書尤精易數著有筮法秘傳二十卷掌白雲書院多所成就云

王子古字丕承癸酉恩貢初授經往復問難輒窘其師長益嗜學每夜讀書必數伺父母寢人稱其孝

姜堦字晦初歲貢生家貧力學行文有奇氣友教數十年環堵蕭然恬如也州牧蔣聘爲書院山長

朱忻字霽容雍正癸卯舉人潛心經傳爲文自出新意胡宗憲字令巖號樂齋天資穎雋早歲冠童子年二十

餘以麟經中康熙乙酉鄉魁候選縣令適丁艱服終奉檄詣都會疾歸里博綜羣書尤精左史公穀與弟宗寅共研極遠近文士多從之遊

蕭濬字翰凝號素齋性謙謹潛心古學里人終年不獲見其面州牧蔣公慕其爲人延爲西賓濬在署久自投讀外無一語及他事選訓導未仕卒著有尋樂軒試草

熊楚淳字師道號涉園州學生勤學能文兼好施與嘗收埋白骨無以葬者鄉里咸推重之州牧蔣公以望

新州志

卷十二

篤學

三

隆閭開表其廬著有巒揖軒詩草

高岱字東瞻少負雋才文詞清麗中雍正癸卯鄉試

熊楚輝字仍存歲貢生少與姜堦葉舒勗李生槃生楷讀書漾菴爲詩文課同受知於學使者潘宗洛楚輝授徒里塾晚猶講學不倦

黃載嶠字晉軍號丹巖州諸生與兄載華讀書棲鳳堂居雨湖七子之二詩文名著江漢間著有雙筆齋詩文集及北遊草行世

龔啟堂字豐寰中康熙甲午鄉試任荆門州學正捐清

俸倡修學宮每月刻期集諸生講學課藝不倦告歸
以詩酒自娛比鄰罕見其面甲戌舉鄉飲正賓

范正字備儒號退菴歲貢生童時多疾苦讀書至嘔血
不輟性醇謹重廉隅耻於非分尤敦本行捐貲建闔
族公祠立友善義社與同里會文經其指授者多知
名士著有孝思錄午夢堂詩草

駱呈符字翰如性嗜學淹貫經史兼通諸子百家著有
天文樂律並詩文集待刊 以上舊志

易泗號恕亭州諸生北遊於京入性氏館受知於二十

蕪州志

卷十二

篤學

三

一王王愛其書法親書存存堂額贈之一時名公鉅
卿皆樂與之詩酒唱和隨

篤北廵著有塞上吟詩草行世考授經歷三署知縣以老致
仕子孫尙留京師

方相號禮齋積學未遇以諸生終生平窓課隨手散遺
晚年攬摭其僅存者自訂爲孕秀軒集梓行

黃式澤號惠峰廩生幼穎悟善書法爲文刻露雋永科
歲試輒冠軍一時名流咸器重之楚材觀止麟山課
藝多刊布其文有四書制藝行世

李培滋號蒔圃歲貢生爲文古奧尤工書法年八十餘猶手不釋卷日以吟咏自適著有挹麟堂續集待梓課子姪輩無間寒暑胞姪承謨鄴書昱皆諸生曷嘉慶辛酉舉人子承洛戊辰舉人

陳良珏字兩玉乾隆己酉舉人歷仕大治通城教諭爲文步趨前哲獨出心裁每講一藝必歷時輩著有二論童子問學庸講義二書待梓

范卿組號若亭累世讀書爲業弟卿綱爲太學卿繹食廩餼以文字相切磨皆充然自得子若孫遊泮入貢

新州志

卷十二

篤學

三

者數人四世明經族里以一經傳德爲頌

顧啟賢號樵雲天姿卓越讀書具有神悟詩文才力肖其先正年三十餘絕跡名場後以明經補授保康學博康邑風氣鄙陋賢至人服其教漸事詩書未終任遽以疾歸

李同倫號樂軒諸生少事萬南泉葉函齋程拳時諸名宿能文章工書法性耿介石首縣令張世維聘主崇正書院講席荆襄間多遺墨焉著有長林草鹿門紀事雨湖唱和諸作其子歲貢生瑞玉編入培梓山房

存稿分爲上下六卷

劉之紳字玉衝號白水歲貢生與兄庠生之縉同受業於李金臺太史紳尤爲所器重每科歲試皆高等成就及門甚夥虞部陳詩舉人胡鴻薰孟嗣宗俱出其門著有學庸辨難白水制藝待刊

張憂培字西旂乾隆己亥舉人七上禮闈不售授徒於策峰浠水間晚年以例補學正司鐸歸州癸酉選期學憲鮑按臨宜郡州人士無一赴選者乃召生徒捐俸作卷費州學向鴻翥遂得選拔年逾七十將告歸

蘄州志

卷十二

篤學

三

以疾卒於官著有西牕詩草慎思堂文集稀歸提命錄待刊

劉營詩號愚溪弱冠入郡庠食廩餼爲文如龍蛇夭矯不羣戊午鄉試主司賞其文推爲熊劉再世卒以經藝一字訛抑置副車第一

陳豐露號秋沆家貧力學凡詩古文辭下筆立就中乾隆丙午經魁六上春官不第嘉慶乙未會試卒於京著有望江草堂詩文集待刊

方蔚字澤章少穎悟讀書過目成誦年十五登賢書主

司慶得人七上公車不第後因祖母暨母春秋高不願仕進每旦夕閉戶吟哦不輟著有蔭園詩文集四卷課兒規條十二則年五十一卒

蕭光緒號晴嵐歲貢生性放逸工詩文善書法通經史始設帳里塾繼應浹水諸世家聘旋主荆門講席一時名宿多出其門著有四書說約藏於家

蕭光緒號瑞石幼慧能文年十三試輒列前茅年二十七中乾隆己酉鄉試丙辰會試售而復抑其才器學識引重一時年未四十而卒

蘄州志

卷十二

篤學

三

張學韶號月岩性聰穎工詩文弱冠補弟子員尋食餼州人爭師事之乾隆己酉舉於鄉著有四書啟悟十卷字典叅議三十卷待刊

范位盤字友湄性敏積學購書甚富悉加丹鉛用心緝密遇橫逆仍手不釋卷夷然也童試冠軍食餼登賢書任均州學正十三年與邑人士循循以文字相切劘嘉慶甲戌學憲朱題贈教洽滄浪額

李華郁號棣園少篤學爲陳愚谷高弟嘉慶戊午亞元上公車不第遂留京師漢陽葉雲素聘爲西賓今葉

名琛是其高弟也逾年卒於京邸

陳有執號念蓼嘉慶辛酉副車性穎異讀書輒有會心
爲文不落常徑講學里塾出其門下者多知名士有
念蓼文稿藏於家子紹瑞道光壬午舉人

張開玉號兼四諸生家貧嗜學寒則擁氈而讀無燈則
燃香照字且云吾讀書一字一句必求其所以然不
得弗措也讀儀禮祭聘諸書則布爲堂階上下方位
而自爲揖讓升降於其間其苦心類如此爲文清剛
雋上乾隆戊申鄉試擬元以謄訛見抑後復屢薦不

售抑鬱以終

張學濂號雲菴邑庠生屢試棘闈弗售遂不求仕進以
書史自娛子姪輩勸赴癸酉鄉試得中副車著有
菴近藝擷芳園詩話待刊孫世業廩生

張學址號惺菴廩生少偕同里張兆講肄業江漢書院
課輒冠軍掌院呼爲靳春二張乙亥分修蘄州志著
有和鳴堂詩集行世

張光鼎號洛川歲貢生少負異才能文章下筆千餘言
無敢撻其鋒者僅以明經 恩賜副榜士林惜之

陳豐翥字鶴舉歲貢生父幹名諸生著有四書說原授徒里中成就多人翥能世其學

陳瑗字半菴家貧好讀書性嚴毅幼補博士弟子員生平無一欺人語从羈場屋矢志經史尤長詩古文詞鄉居教讀數十年其子廷揚舉進士翁仍循循禮法以謹言慎行爲訓著有半菴詩文待刊年七十六以例滿入貢成均閱五年卒於其子廷揚四川官署

陳田治號半畝州諸生五歲失怙兄弟相友愛好讀書手不釋卷延師督課所費不貲產破家落泊如也族

孫佑祺貧廢讀倡議助金遂成其名其教人云知孔子四未能畢生無可寬之日學孟子三自反天下無難處之人子三本升 恩賜副榜孔皆廩生甲三丁酉經魁孫峻峰庠生

陳其善字汝揚性敏能文章尤好善里中有鬻妻償負者予之金令勿鬻又有昆季爭產欲前赴訴者卒望廬而返年六十嘗自吟云青燈善解窮經志皓首空存報國心以諸生終

張聯璧號次徵自幼與其叔父諸生瑞琪受業於其父

廩生道南天姿超邁博極羣書詩賦文章獨冠一時
入泮後肄業江漢書院文名益噪刊布課藝傳誦士
林中道光庚子鄉試爲江西學政張公芾聘閱試卷
著有十三經經解韻學要訣虎山文集待刊其才亦
大有爲惜年五十三而卒

童啟倫號叙堂優貢生敏慧卓越攻苦窮年詩賦稱賞
一時有養雲山館制藝待梓年二十九卒同里陳工
部主事詩表其墓

陳紹瑞號菊人剛方正直不阿流俗慕海剛峰之爲人

新州志

卷一二

篤學

三九

取字宗海讀書目數行下成童入泮學憲鮑以大器
推許中壬午鄉試著有課徒草倣古體箴小峰詩集
藏於家

張如照字兩作號月軒州庠生年十三能讀十三經朱
子綱目善爲文敦孝友屢薦不售著有古文一集行
世

吳煥鈞號已山乾隆戊申舉人爲文卓犖不羈詩亦豪
放落筆千言立就昇同里胡蘭亭賂商亭齊名出其
門者皆一時杰士著有已山詩文集

詹如松號鶴亭嘉慶甲子舉人授漢川訓導讀書務窮經史文筆迥邁一時待門生如子姪不計束修之有無卒於任漢川士子多德之

駱千翥號薛軒童時隨父浦霖居武昌官舍行若成人父卒翥年方十二隨母扶柩歸里聽母張孺人訓猶讀父書不墮先業可謂克自樹立受業於胡蘭亭吳已山兩先生之門與叔庠生浦然星炳日相切劘恒以大器期之故能樹幟文壇未嘗少挫柰十試棘闈不遇卒以諸生終游其門者多所成就其孫利鋒卽

敏修成進士皆出一手著有原宗論及商亭年譜等書

吳金度號鑑堂歲貢生性最鈍苦心孤詣雖寒暑晝夜無少輟其後卒以魯得之胡蘭亭陳愚谷重其文行俱遣子姪受學教人工課最嚴制藝一以先輩大家爲程式故一時深醇之士多出其門著有鄉黨輯要張恢鸞號聽泉嗜書成癖有奇書必竭貲購之故其家藏書頗富延師家塾課讀諸子每供饌務極豐腆十餘年不倦雖援例貢成均至老猶手不釋卷子瀚增

廣生

陳本中號爲山郡廩生性耿介不諧於俗屢躋鄉闈讀書慈雲閣近三十年苦心孤詣務求根抵垂老中壬辰舉人設帳鄉里成就後學登科入泮二十餘人著有易經纂象待梓子之原連振俱諸生

蕭蘭號藝甫州增生積學能文不與外事州主范六瓊李蓮峰極推重之屢赴棘闈售而復抑者再善誘後進出其門者半登賢書入膠庠子子書鎮圭皆諸生

